

آبونه شرائطی : هریر ایچون
سنه لکی (۴۰۰) آلتی آیلمی
(۲۲۵) ممالک اجنبیه ایچون
سنه لکی (۴۵۰) ، آلتی آیلمی
(۲۵۰) غروشدور .

نسخه سی ۷,۵ غروشدور .
سنه لکی ۵۰ ع ددر .

اداره خانه : باب عالی جاده سنده
رشید افندی خاندن .

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدلمه یین
یازیلر اعاده اولماز .

تذکره

۱۳۳۹

آدره من تبدیلنده ایریخه
غروش کوندرلملیدر .

مکتوبلرک امضالری واضح
واوقوناقلی اولسی و آبونه
صره نوسروسی محتوی
بولونسی لازمدر

ممالک اجنبیه ایچون آبونه
اولانلرک آدرس لرینک
فرانسزجه یازلمسی رجا اولنور .

پاره کوندردلیکی زمان نهیه
دائر اولدینی بیلدیرلسی
رجا اولنور

اتبعون اهدکم سیل ارشاد

صاحب و مدیر
اشرف ادیب

باش محرر
محمد حاکف

والله یهدی من یشاء الی صراط مستقیم

حافظه کار لقند مقصد ندر ؟

کلیبولی مبعوثی جلال نوری بك « انقلاب و جذریلك » عنوانیه آنقره دن « ایلری » به کوندردیکی بر مقاله ده محافظه کارلق ولییه راللقند بحث ایدیور . « دلی پترونگ اسکی روسیه نك حقیقی احتیاجی تشخیص ایتدیکی وقت ، ماضی ایله مناسبتی اولان هر مؤسسه یی ییقدیغنی ، موسقوه بطریقخانه نی الفا ایلدیکنی ، یکی طرزده بر عائله معاشرتی احداث و بوکا قارشی کلنلر تجریم بیله اولوندیغنی ؛ صقالیلرک صقاللری تراش ایتک و یاخود صلب اولونمقله تخییر اولوندقلمی . بیان ایتدکدن ؛ بونی توصیه دکل ، چارک هنرمنی کوسترمک ، افکارنی قبول ایتدیزمک ایچون فکر محافظه امان و یرمدیکنی اشراپ مقصدیله سوبلدیکنی قید ایتدکدن صوکره دییورکه :

« بوکونکی وظیفه من ، بو انقلاب ذهنیتته صادق قالی ایچون هیچ بر صورتله فکر محافظه ایله اوزلاشماق . محافظه کارانی اداره مصاحت قیلندن تطیب ایتک ایچون اوفاق بر مسامحه کارلقده بولونمق ، فکر انقلابه قارشی کفراندر ... »

مومی الیهک محافظه کارلقند مقصدلری (لادینی محافظه کارلق) ایسه ، یعنی مسلمان محله لرده آچیلان عمومخانلر ، مسلمان قادیلرینه یریلکده اولان فحش و شیقه بی اصولی ، مسلمان قادیلرینک بعضی عمومی محللرده مسلم ، غیر مسلم ارککلرله برلکده بولونمق دانس ایتلری ، مسلمان قادیلرینک قوانوقلرینه قدر قوللری ، م لرینه قدر کوسلری ، دیزلرینه قدر باجاقلمی آچهرق سواققلرده کزملری ، ارکک ، قادین برلکده تیاترولرد ، سینه مالر کیدرک یان یانا او طورملری ، مسلمان چوققلرینک باشلرینه برشاققه کچیریلرک سواققلرده کزدیلملری وسار بوقیلدن شیلر ایسه طبیعی بونلری محافظه ایتک ایسته یلرله اوزلاشماق ، بونلری تطیب ایچون مسامحه کارلقده بولونمق فکر انقلابه قارشی کفران نعمتدر . زیرا ملت بو انقلابی ، کاظم قره بکر باشک سوبلدکاری وجهله ، مقدس دینی اعلا ایتک ، ییقلمق ایسته ییلن مقدسات ملیه و دینه نی قورتارمق مقصدیله وجوده کتیرمشدر .

یوق ، محافظه کارلردن مقصدی دینک ، احکام و مؤسسات دینه نك ، آداب و شعائر اسلامیه نك محافظه نی ایسته ییلر ایسه بونلرله اوزلاشما نی ، بونلرله اوفاق بر مسامحه کارلقده بیله بولونما نی جلال نوری بك بلکده کندیسی ایچون بر وظیفه تاق ایدیلیر . فقط منسوب اولدینی فرقه و یا حکومت معاذالله جلال نوری بكک بو نصیحتیه عامل اولمغه قالدیشحق اولورسه مملکتده کی وضعیتی بك محف اولور .

مومی الیه ، خاق فرقه نی و حکومتی ملت قارشی نه قدر فناء ناقدر قورقونج برشکلده کوستریور ا صانکه ملتک دینه ، مقدساته حرب

آجش کی بر وضعیت ا دلی پترولردن ، یکی طرزده عائله احداثدن بحث ایدرک دینک ، احکام و شعائر دینه نك محافظه سندن بویوک برغایه طانیایان ملت ایله فرقه نك آره سنی آچقندن جلال نوری بك نه فاند بکله یور ؟ اوت ، دلی پترو جبراً یکی طرزده بر عائله احداث ایتدی . فقط احداث ایتدیکی عائله دنیاده فحش و سفاهتک اک صوک درکسه واران بر عائله طرز ی اولدی . بوکون بر یوزنده فحشده اک ایلری کیدن مملکت نرهمی در ؟ دییه صورولدیغنی زمان بلا تردد روسیه کوستریلیر ، یعنی دلی پترونگ احداث ایتدیکی طرز عائله !

ا کر مقصدی (عزم) مثال کتیرمک ایسه نهیه حضرت عمرک جهانلری سرفرو ایتدیرن عزمی مثال کتیرمیورده دلی پترو کی بر جیلغینک اجرا آتی ایلری سوریور ؟

بونلر ، هیچده ای شیلر دکلدن . ملتک دینه ، مقدس حسلرینه قارشی بوقدر صایغیسزلق اوله ماز .

دها کچن کون جلال نوری بك انقلاب جدیدک ماهیت دینه نی حائز اولدیغندن ، اسلامیتدن انزالی غیر ممکن بولوندیغندن بحث ایدیوردی . شوخالده ملت دینی ، احکام دینه نی ، مؤسسات دینه نی ، شعائر دینه نی محافظه ایتک ایسترسه برجرم می ایشله مش اوله جقدر ؟ باری بوکا نرده بقاون چیقارمق ده هرکس جلال نوری بكک جذری پروغرامنک اساسی آ کلاسون .

برکت ویرسون ، محافظه کارلر اوزلاشماق ، مسامحه کارلقده بولونماق یولنی طوتما یورلرده ایشلر یوریور . یوقسه جلال نوری بك حایه ایله قونی یی بك کوزل آ کلاردی .

ماتی مسلمانان قورتاردی

کاظم قره بکر پاشا دییورکه « ملت غربده مشقده دکل ، دینه مین

اسوسه صایلمقده موهوبترین قورتاردی . »

استانبول مبعوثی وارمنستان قانچی کاظم قره بکر پاشا حضرتلری دارالفنون حقوق فاکولته سنک بوسنه کی مأذونلری شرفه ویریلن ضیافتده مهم بر نطق ایراد ایتش ، غریبچلق و مسلمانلق حقنده شایان دقت بیانانده بولونمشدر . مشارالیه ، « دارالفنون ملتک دماغی اولدیغنی ، دارالفنونق قراکلر ایچنده نرهمه کیده جکفی شاشیران بوماتی توریله تنوبرایدجک و بوملته یول کوسترجک مقدس برایشیق منبئی اولدیغنی » سوبلدکدن صوکره دیمشدرکه :

آوروپاده تحصیل ایدن بر قسم منورانز آناطولینک مختلف مواقعه کییورلر و طبیعی بوراده رفاه ، سعادت و ثروت خصوصنده تام بر هیچلک کوریورلر . وودواق بویورلر . خلغمزی آوروپایه بکزه تبیلک ایچون مطلقاً غریبلاشمنی توصیه ایدیورلر .

افندیلر ، غربیللاشمق خالق قارنی طویماز . غربیللاشمق ایش و ثروت تأمین ایدلز .
خلقه وملت - اوملته که جهانی آت اوست ایدن یک معظم بر مجادله دن غالب چیقمشدر - رفاه ، سعادت و ثروت تأمین ایتک ایچون اونک پاره سنی خارجه قاجیرمامغه چالیشه جغمز یرده زواللی ملتی بوسبتون اوچورومه آتہ حق مضر تلقیناتده بولونیورز : غربیللاشمق ا دیورز .
غربیللاشمق هوسکار بر قاج منورک منی استقامتہ کیتہ لری ، دیگر کنجلیزک مساهبتی عقامتہ اوغراتہ حق اسباب حاضرلیور .
افندیلر ،

ملت ، غربیللاشمق دکل ، آنجق دین مبین اسلامه صارلق صورتیله موجودیتی قورتارمش [سوره کلی آلقیشلر] تورک اوغلنی هرشیدن تجرید ایتسه کز دین مبین اسلامدن باشقه استناد ایدمک یری یوقدر . افندیلر ، ملت هر درلو محرومیت ایچنده امیدسز بر مجادله نیچون آتیلمشدی ؟ اولاً تحقیر ایدیلن مقدس دینی اعلا ایتک ، ثانیاً حیثیتی قورتارمق و دشمن آياغی آلتنده ایکلرین اقسام وطنی تخلیص ایتک ایچون دکل ؟ مقدسات ملیه و دینیہ مزه ایدیلن حقارتی اعاده ایتک . امثالسز فداکارلغه قاتلاندق . بوکا غربیللاشمق دکل ، دینزه صارلقله موفق اولدق .

تورک عدالتک تمثال مجسمیدر . وقتیله عدالتی ، شمدی چوق هوس ایتدیکنز هرب مدینیتی تورک تأسیس ایتش ، حق وعدلاک بوتون قانونلرینی اله آلمش و تطبیق ایتشکن آوروپا ظلم ایچنده ایکلر یوردی . بویارلاق کونلردن صوکرآ مع الاسف دور انحطاطمز باشلامش و ملعون بر استبداد مملکتی محو و خراب ایتمشدر .

بومملکت استبداد آلتنده ایکلرکن آوروپا چالیشدی . تورکک مدینیتی وعدالتی کنديسته مال ایتدی .

قریم محاربه سندن صوکرآده غربیللاشمق جریانلری بلیرمشدی . اوزمانک غربیجلیق طاسلاقلری ، اولرینه فرنک سرپهلر آلتق صورتیله غربلی اولاجق لرینی ظن ایتمشلردی . نتیجه نه اولدی . جله مزک معلومیدر . بواثارلده ، بزغربیجلیقله اشتغال ایدرکن ، غربیللاشمق چالیشیرکن آوروپا حالی بر فمالیتله اقتصاد ساحه سنده چالیشدی . شرکتلر تشکیل ایتدی . اقتصادیاتنی انکشاف ایتدیردی ، بو انکشاف توسع ایتدی و مستولی بر شکل آلدی . مملکتیمزک محوینه یورودی .

نتیجه بزغربیللاشمق اوغراشیرکن غرب ، مکافاة بوغزه قایتولاسیون دینیلن برزنجیر اوردی .

عدالتی مملکتده استقرار ایتدیرمک ، متفکر و حقیق وطنپرور انسانلری مملکتده حاکم قیلحق لازمدر . آنجق بو سایه ده تورکک حرب زماننده یک قوتلی اولان قوللرندن مدنیت ، صلح و اقتصاد ساحه سنده استفاده ایتک قابل اوله جقدر .

مملکتک سعادت و سلامتی و دین مبین اسلام اوغرندہ وجودیمی فدا ایتک ، هر هانکی بر فلاکت آئنده سزی ، تقدیس ایتدیکن منور کنجلیکی مسعود کورده ترک حیات ایتک اک برنجی هدفم و غایه مدبر .

کاظم قره بکر پاشا حضرتلری طرفندن ایراد اولونان بومهم نطق دارالفنون محیطنده یک اوزون سنهلردن بری مثلی ایشیدلمه یں قیمتلی سوزلری وبالخاصه صوک زمانلرده ترویج ایدیلک ایستہ نیلن بر طاقم ضلالت جریانلرینه قارشى یک قوتلی ضربه لری احتوا ایتمکده در . معلوم اولدینی اوزره صوک زمانلرده الکزیاده ترویجی آرزو اولونان ، حق بوتون ملتہ مال ایدلک ایستہ نیلن غربیجلیق و غربیللاشمق

اساسلرینک ترویجنه چالیشلیور ، بواساسانک ترویجی ، وحتی تطبیق ایچون بر طاقم مؤسسہ لر آچیلیور و بومؤسسہ لرده وظیفه مودوعه لرینی ایفایه غیرت ایدیورلردی . بوندن باشقه بوتون کنجلیکک بویابانجی و مضر تلقیناتہ مظالم اولدینی ده کوسترلک ایستہ یوردی . کاظم قره بکر پاشا حضرتلرینک دارالفنون کنجلیکی ایچنده ایراد ایتدک لری و فوق العاده حسن تأثیر اجرا ایدیلکی کورولن مهم نطق کنجلیک اطرافنده قوباریلان باغره نک قوروصیق برروپاغاندادن عبارت اولدینی کوسترمکده در . کنجلیکک اجتماعی غربیجلیق و غربیللاشمق دعواسندن اوزاق اولدینی بومناسبتله کوسترمسی جدآشایان شکراندر . بزدارالفنون کنجلیکمزک ضلالت جریانلرندن اوزاق قالدینی کورمکله ممنون اولورز . ایستزکه بوکنجلیک ضلالت جریانلرینه مجادله ایدن اک قوتلی مجاهد اولسون و بونی فعلیات و آثاریلہ اثبات ایتسین .

حکومت

اطلام اسمومبینک قوه مؤیده راجه سید .

وقت غزته سنک انقره مخاری باش وکیل عصمت پاشا حضرتلریله بر ملاقات اجرا ایدرک مختلف سؤاللر میاننده شو سؤالی ده صورمش :
— خلیفه نک مسلمان مملکتلرندن کله جک بر مرخص طرفندن انتخاب ایدیله جکی و بو شورانک خلیفه لکه بروجیه ویره جکی خبرلری شایع اولدی . بوخصوصده مطالعة دولتکنز نه در ؟
عصمت پاشا بوسؤاله جواباً دیمشلرکه :

— مقام خلافت حقنده جریان ایدن حوادث و مطالعات ایلہ حکومت یاقیندن ، اوزاقدن هینچ بر صورتله علاقه دار دکدر . تورکیا حکومت جمهوریه سی ، تورکیا اداره دولته تعلق ایتمین بر مسئله ایلہ اشتغال ایتز . و تورکیا اداره دولته خارجدن هیچ بر مداخله مساعده ایلہ مز .

وقت غزته سی عصمت پاشانک بویانانی حقنده دیورکه :

— پاشا حضرتلرینک سوزلردن آکلاشلیورکه حکومت جمهوریه خلافتہ عائد مسئله هر هانکی بر صورتله مداخله ایتمی اداره دولت اموری خارجنده تعلق ایتمکده و بالمقابلہ تورکیه اداره دولته خارجدن بر مداخله اجراسنی تجویز ایتمه مکده در .

ایلری غزته سی ده سوله دیور :

— باش وکیل بوملاقانده حکومت مسئله لرله خلافت مسئله لرینی یکدیگرندن قطعی بر صورتده تفریق ایدیور . بوک یکی بر سیاستدر . عینی زمانده ده یک فنی ، یک موافق و یک ای بر سیاستدر . حقیقت حالده دین ایشلری باشقه ، حکومت ایشلری باشقه دکلیدر ؟

بز بویکی سیاستک یک فنی ، یک موافق اولوب اولمادینی حقنده برشی سوله یه جک دککز . یالکنز (ایلری) نک حقیقت حالده دین ایشلری باشقه ، حکومت ایشلری باشقه ، دیمسی حقنده بر قاج سوز سوله مک ایستہ یورز . عجبا حقیقت حالده بویله میدر ؟ امور دینیہ ایلہ امور حکومت تفریق اولونه رق